

Headline **Bantu ibu besarkan anak-anak yatim**
Date **24 Aug 2011**
MediaTitle **Kosmo**
Section **Supplement**
Journalist **N/A**
Frequency **Daily**
Circ / Read **115,967 / 406,000**

Language **Malay**
Page No **a11**
Article Size **725 cm²**
Color **Full Color**
ADValue **6,304**
PRValue **18,912**



NORLINA mengajar anak-anak angkat, anak kandung dan anak HIV mengaji muqadam di ruang tamu rumahnya di Bukit Cheras Baru, Kuala Lumpur.

Bantu ibu besarkan anak-anak yatim

NOOR EMYLIA ERNA (kiri) banyak belajar daripada ibunya, Norlina untuk membesarkan anak-anak yatim termasuk anak-anak penghidap HIV/AIDS.

DI SEBALIK rakan seusianya yang lain seronok melayari dunia remaja tanpa sebarang tanggungjawab yang besar, lain pula yang dialami oleh Noor Emylia Erna Roslan, 20, atau lebih mudah disapa Emy.

Manakan tidak, dalam usia yang sebegitu muda dia telah diamanahkan untuk menjaga seramai 33 adik-beradik yang berada di bawah tanggungannya.

Lebih menarik, adik-beradiknya itu terdiri daripada anak-anak yatim daripada keluarga pesakit HIV/AIDS dan mereka yang hidup bergelandangan dengan sebatang kara tanpa sebarang perhatian.

“Saya tidak pernah mengangap mereka sebagai orang luar sebaliknya telah diangap sebagai satu keluarga besar.

“Hidup memerlukan pengorbanan. Pengorbanan pula memerlukan perjuangan. Memahami situasi mereka yang memerlukan perhatian dan kasih sayang mampu membebaskan adik-beradik saya itu daripada terus disisihkan,” kata anak sulung daripada tujuh adik-beradik kandung tersebut.

Bertindak sebagai pewaris Keluarga Besar Norlina Alawi Berhad, Emy telah didik sejak usianya kira-kira 11 tahun oleh ibunya sendiri, Noralina Alawi, 40, dalam membela nasib dan kebajikan kumpulan kanak-kanak tersebut.

Biarpun agak kekok pada mulanya, namun Emy memberitahu keadaan itu semakin berubah hari demi hari apabila seronok dan

Headline **Bantu ibu besarkan anak-anak yatim**
Date **24 Aug 2011**
MediaTitle **Kosmo**
Section **Supplement**
Journalist **N/A**
Frequency **Daily**
Circ / Read **115,967 / 406,000**

Language **Malay**
Page No **a11**
Article Size **725 cm²**
Color **Full Color**
ADValue **6,304**
PRValue **18,912**

timbul nilai kemesraan antara kesemua adik-beradiknya.

Seolah mempunyai jiwa keibuan, katanya, setiap mereka diberikan layanan sama rata dengan menekankan aspek disiplin, kepatuhan dan saling menghormati antara satu sama lain.

“Pernah juga beberapa rakan saya yang datang ke rumah berasa tidak selesa dan melemparkan kata-kata yang tidak sedap didengar.

“Saya kemudian memberitahu jika mereka tidak selesa, lebih baik keluar,” kata pelajar Sekolah Kebangsaan Taman Muda itu.

Ujarnya, urusan harian termasuk penjagaan kesihatan anak-anak yang sakit dikendalikan secara bersama oleh semua ‘ahli’ keluarga itu agar setiap orang diberi perhatian baik

dari aspek perubatan, keperluan emosi mahupun pembelajaran.

Tambahnya, kira-kira RM44,000 hingga RM50,000 diperlukan setiap bulan untuk menampung perbelanjaan adik-beradik termasuk makanan, ubat dan rawatan bagi yang mudah jatuh sakit.

“Kebanyakan adalah daripada pendapatan perniagaan yang diusahakan oleh mama (Noralina Alawi) yang menjalankan butik kecantikan,” kata bekas pelajar Matrikulasi Perlis itu.

Menjengah ke personalitinya, Emy mengakui seorang yang begitu sensitif dan berpendirian teguh dalam mencapai sesuatu. Malah, katanya, dia sentiasa menjadikan orang yang berjaya sebagai rakan rapatnya terutama para pelajar di sekolahnya.

Baginya, orang yang cekal dan mempunyai keyakinan diri tinggi tidak pernah berasa terancam dengan perkataan atau perbuatan remeh dan tidak disengajakan.

Sebaliknya jelasnya, mereka akan menumpukan perhatian ke arah matlamatnya.

“Kalau kita tidak pandai seharusnya mendampingi orang yang berjaya,” tegasnya.

Meminati mata pelajaran Sejarah, Emy selalu mendapat bimbingan daripada ayahnya, Leftenan Kolonel Roslan Zakaria bagi mengulang kaji pelajaran.

Jelasnya, ayahnya itu akan memberikan pelbagai nilai tambahan apa yang dipelajari terutama apabila menyentuh aspek nasionalisme memandangkan ayahnya itu mempunyai pengalaman seiring dengan tugasnya sebagai Timbalan Komander Rejimen 515 Askar Wataniah.

“Ayah akan memastikan kami adik-beradik kandung lain sentiasa mengulang kaji pelajaran walaupun sibuk dengan tugas lain dalam rumah ini,” katanya yang juga

mempunyai tali pinggang hitam peringkat 1 dalam seni bela diri taekwando.

Sedang mengikuti Ijazah Perakaunan di Universiti Teknologi Mara, Bandar Raya Melaka, Emy juga sebenarnya bergelar ‘ibu muda’ apabila mempunyai dua orang anak angkat Mohd. Ashraf Abdullah, 3, dan Nurul Syifa Abdullah, 2, yang diperolehnya hasil pemberian daripada keluarga malang sewaktu mengunjungi rumahnya.

Walaupun penat, namun ia pengalaman cukup bermakna kepadanya terutama dalam menguatkan perkongsian rasa cinta dan kasih kepada anak-anak yang kehilangan belaian itu.

“Bagi saya, mereka ini adalah pewaris generasi masa depan yang cukup bernilai kepada negara,” ujarnya.

Malah ayah akan memastikan kami adik-beradik kandung lain sentiasa mengulang kaji pelajaran walaupun sibuk dengan tugas lain dalam rumah ini
— NOOR EMYLIA ERNA

Pengalaman
Oleh MOHD. YUNUS YAKKUB
yunus.yakkub@kosmo.com.my



KELUARGA besar Norlina dan suaminya, Roslan di kediaman mereka di Bukit Cheras Baru, Kuala Lumpur.

Headline **Bantu ibu besarkan anak-anak yatim**
Date **24 Aug 2011**
MediaTitle **Kosmo**
Section **Supplement**
Journalist **N/A**
Frequency **Daily**
Circ / Read **115,967 / 406,000**

Language **Malay**
Page No **a11**
Article Size **725 cm²**
Color **Full Color**
ADValue **6,304**
PRValue **18,912**

